

Date – 15/11/2025

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Chief Minister Pu Lalduhoman Federation tha sa - MULCO, MAHCO leh MAHFED te chu huapzo hmalakna kalpuiah a sawm.
- 2. Rural Development & Administration Department Minister Prof. Lalnilawman nimin khan Watershed Mahotsav a hawng.
- 3. Bihar Assembly inthlan neih zawh takah National Democratic Alliance (NDA) te chu hneh taka thlan tlin niin sawrkar an siam leh dawn.
- 4. Prime Minister Narendra Modia hovin Gujarat-a Dediapada ah National Tribal Day hman a ni dawn.



CM

Chief Minister Pu Lalduhoman Federation tha sa - MULCO, MAHCO leh MAHFED te chu huapzo hmalakna kalpuiah a sawm.

Nimina Aizawla India Cooperative Week vawi 72-na a hmanpuinaah he thu hi sawiin Chief Minister chuan, member-ten hlawkna an hmuh tlan theih nana inthuruala hmalakna, inlaichinna tha tak nei chung a thawhhona chu Cooperative nihphung chu a ni a. Chutiang hmalakna kalpui tur chuan Mizote tluka tha hi khawvel ram dangah an awmin a rinawm lo a ti.

Chief Minister chuan MULCO, MAHCO leh MAHFED ten hma rawn hruaiin huapzo hmalakna, member zawng zawngte phur taka an kal theihna uar ni se a ti a, MULCO hian in tina lut thei tharchhuah neih lo tum tlat se, MAHCO Mizo puan hi India ram pumpui hriat khawpa dinchhuah tumin, MAHFED pawhin state tharchhuah thei leh thlai phochhuah tur tam tak an neih bakah mipui tam zawkte an thawhpui theih eizawngtute an ni tih hriain, hlawhtling ngei tur hmalakna kalpui se a ti.

Sorkar pawhin state chhunga society leh MSME te siamchhuah thilte a ngaihlu a, sorkar office bungrua leh hmanruate thlak an lo tul hunah, state siamchhuah, Mizo kutchhuakte ngeia thlak zel tum tur a ni – tiin thuchhuah an siam a. Dan ang taka kalpui theihin kumin February ni 25 khan “The Mizoram Procurement Preference Policy for Small & Medium Enterprises 2025” chu Gazette a ni zui ta a ni, a ti.

Chief Minister hian Week pual special Souvenir a tlangzarh a, Society tha thlanchhuah pathumte hnenah lawmman a hlan bawk a. Lawmman dawngtute chu:

Pakhatna - Khanpui MPACS
Pahnihna - Tualte MPACS
Pathumna - Saipum MPACS, te an ni.

He hun hi a, Cooperation Minister Pu PC Vanlalruata chuan khualzahawm niin a hmanpui a ni.
Mizoramah hian primary cooperative society 1500 chuang leh state level cooperative federation/union 13 an awm mek a ni.

DIPR

<><><>

DR R LALTHANGLIANA

Dampa bial MLA atana thlan thar Dr R. Lalthangliana chuan 'n Dampa bial hmasawn theih nan theihtawp a chhuah tur thu a sawi a, Pu Lalrintluanga Sailo in hmasawna tura hmachhawp alo neih tawh te tih hlawhtlin a tum hmasak tur ani tih a sawi.

Byte : Dr R. Lalthangliana

Dr R. Lalthangliana chuan Dampa biala vote percentage sang tak chu democracy hlutna lantirtu ani tih sawiin inthlan an ngaih pawimawh avangin lawmthu a sawi a, a campaign chhungin Dampa biala khaw 30 chuang vawi 6 lai a fang chhuak a ti a, an harsatna lai leh hmasawn an ngaihna laiah khawtlang hruaitute rawnin theihtawp chhuah zui a tum thu sawiin kawng hrang hrangah hmasawn turin tan an la dawn tih a sawi bawk.

Dr R. Lalthangliana hian amah hnaih ber tu ZPM Candidate Pu Vanlalsailova aiin vote 562 in a hmu tam zawk a, Dampa bial by-election a Returning Officer Pu Malsawmzuala chuan nimin khan Member of Legislative Assembly member nihna certificate a hlan nghal a ni.

Voicecast

Dr R. Lalthangliana hi kum 1986-ah MNF Party zawmin party chhungah nihna hrang hrang chelhin tunah hian Sr. Vice President ni lai a ni a, Term ruk (6) zet MLA ni tawhin (Lunglei North) bial-ah a zawnin term 5 chhung MLA ah thlan tlin a ni a, Hnahthial bialah term khat tlingin Mizoram MLA zingah chatlak awm lova mahni biala tling rei ber a ni. Term 6 chhung MLA a nih lai hian Cabinet Minister term thum a chelh a, hengah hian Department hrang hrang enkawlin chak takin hna alo thawk tawh a, tunah hian Dampa bialah thlan tlin leh niin hei hi a vawi 7 MLA nihna tur a ni dawn a ni.

(RD Darthanzauva PTC Mamit)

<><><>

WATERSHED MAHOTSAV

Rural Development & Administration Department Minister Prof. Lalnilawman nimin khan a Office Chamber-ah Watershed hmalakna kawnga sawrkar leh mipuite thawhhona chak lehzuala kalpuina tur, Watershed Mahotsav a hawng.

Minister Prof. Lalnilawma chuan tuihna humhalh tulzia sawiin, he Watershed Mahotsav ah hian Project Area-a mipuite tuihna kawnga theihtawp chhuah turin a sawm a. Tuihna humhalh pawimawhna pholanna tur reels insiamsiakah pawh thalai leh a thiam apiangte tel turin a sawm bawk.

Watershed Development Component - Pradhan Mantri Krishi Sinchayee Yojana (WDC-PMKSY) 2.0 hi kum 2021-2022-ah bul tan a ni a. Mizoramah Project 20 kalpui mek niin, khaw 52 a tuam mek a. Kum 5 chhunga hmalakna tur Project niin, March 2026-ah he Project kal lai hi tawp tura ruahman a ni.

WDC-PMKSY hian a tuam chin Project-ah ram bua leh leilung luangral tur ven leh humhalh bakah tuihna humhalh hna a thawk ber a. Hemi atan hian Land Development, Soil & Moisture Conservation leh Water Harvesting Structure te kalpui a ni.

Watershed Mahotsav neih hma February ni 17 khan ramchhung mipuite'n project hmalakna an hmehhriat lehzuol nan Watershed Yatra kalpui lo ni tawhin, Watershed Van-in Mizoram chhunga WDC-PMKSY 2.0 project neihna khua zawng zawng a tlawh chhuak a. Hemi hnu hian mipuiten Project-ah sawrkar sum ringawt ring lova mahni tha leh sum an thawh ve theihna tur Campaign Janbhagidari Cup kalpui a lo ni tawh bawk a ni.

WDC-PMKSY hnuaiah tuihna humhalh leh siamthar nasa taka kalpui niin, Mizoramah pawh tuihna 1465-ah hma laka siamthar mek a ni a. Water Harvesting Structure pawh 2081 siam tawh a ni bawk. Horticulture development hi hectare 3559.41-ah kalpui a ni bawk a, Self Help Group 585 din tawh niin, mi 17260 hnenah he project atanga mimal eizawnna tur bul tanna pek a ni tawh bawk a ni.

<><><>

LESDE

Labour, Employment, Skill Development & Entrepreneurship (LESDE) Minister Pu Lalnghinglova Hmar chuan zirlaiten zirna leh IT lama thiamna an neih theihna tur Skill Lab chu Govt. K.M. High School, Aizawlah nimin khan a hawng a. Skill Lab hi SANKALP Scheme hnuaiah district 11 a school 12 ah din niin, Minister chuan Govt K.M. High School atang hian a vaiin a hawng a ni.

Pu Lalnghinglova Hmar chuan khawvel thiamna inher danglam zel mila zirlaite pawh an inzir zel a pawimawh thu a sawi a. Khawvelin hma a sawn zela, thiamna thar lo chhuakte thiam ve lo chu kalsan an ni dawn tih sawiin, zirlaite chuan Skill Lab hawn thar chu IT lam an hmehhriata an thiam ve theihna tur leh hmang tangkai turin a chah a ni.

LESDE Department chuan School Education Department nen tangkawpin sawrkar school thlan bikteah Skill Labs din a nih theih nan hma a la a. Skill Lab din a nih hian zirlaite chu zirna leh hnathawhna lama hmasawnna atana thiamna

pawimawh tak tak pek tum a ni a. He hmalaknaah hian Mizoram chhunga district 11 huamechhunga sawrkar school 12-ah Skill Labs din a ni a, zirlai 2,413 velin an hlawkpui theih beisei a ni.

IT sector hnuaia Course on Computer Concepts (CCC) hmanga digital literacy leh IT thiamna tihpun chu ngaih pawimawh a ni a. He course hmang hian zirlaite hnenah computer application leh digital literacy lama foundational knowledge pek tum a ni a . He program hian practical learning a ngaih pawimawh bakah zirlaiten tunlai khawvel tana IT thiamna pawimawh tak tak an neih theih nan a pui dawn a ni.

<><><>

LADC CANDIDATES

Lai Autonomous District Council Inthlanpui neihtur ah chuhtumte tana hming pek luh hun nimin khan khar a ni a, hriattheih chin ah bial 25 ah chuhtuma hming pelut 82 an awm.

LADC Chief Executive Member Pu N.Zangura chu BJP atangin a bial ngai M.Kawnpui ah a ding dawn a, LADC a Chairman Pu VL Hmuaka pawh a bial ngai Lawngtlai Vengpui ah MNF Party atangin a ding dawn a, MPCC a Vice President, Lawngtlai West bialtu MLA, Pu C.Ngunlianchunga chuan Congress atangin Lawngtlai Vengpui biala dingturin hming a pelut a, Pu C.Ngunlianchunga chuan Congress an Sorkarloh apiangin LADC ah Sorkar a buai thin ni a sawiin, Vengpui bial mipui ten an koh nasat vangin MLA nichunga MDC chuh tum ta a nih thu a sawi.

LADC a CEM lo ni tawh, ZPM atanga Ticket changlo Pu V.Zirsanga chu Independent in a bial ngai Paithar ah a ding dawn a, CEM lo ni tawh tho Pu T.Zakunga pawn a bial ngai Vawmbuk bial chuh tumin hming a pelut bawk.

Hmingpelut zingah Hmeichhe awmchhun BJP, Lai District President Pi Lalhruaitluangi Vandır chuan Chawngte 'P' bial ah chuh a tum a ni.

Inthlanna chumtuma hming pekluhte hi nimin tlai khan endikzui niin, hmingpelut, inhnukdawk duhte tan ni 17, chhun dar 12 thleng hun hawn a ni.

Hriattheih chin ah ZPM chuan bial awm zawng zawng bial 25 an chuhkim dawn a, MNF in bial 20, Indian National Congress in bial 14, BJP in bial 13 ah Candidate an nei ang.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

BIHAR

Bihar Assembly inthlan neih zawh takah National Democratic Alliance (NDA) te chu hneh taka thlan tlin niin sawrkar an siam leh dawn. Bihar ah hian Assembly bial 243 NDA te 202 anla a. Hetihlai hain RJD kaihhruai Mahagathbandhan chuan seat 35 la a ni.. Party malin BJP 89 lain, JD(U) in seat 85 an la a.RJD in seat 25 an la a. LJP in seat 19 lain INC ten seat 6 an la a. HAM in seat 5 la in AIMIM in seat 5 an la bawk a. RLM in seat 4, CPI (Marxist –Leninist)in seat 2,IIP in seat 1, CPI(M) in seat 1 leh BSP in seat 1 an la bawk a ni.

<><><>

BY ELECTION

Nimnin vek khan Mizoram tiamin State pasariha Assembly seat 8 by election vote chhiar a ni bawk a. BJP leh Congress in seat 2 ve ve an la a. Jammu and Kashmir-a Nagrota Assembly seat ah BJP candidate Devyani Rana a tling a. Odisha-a Nuapada bialah BJP candidate Jay Dholkia a tlingin Jharkhand ah JMM Candidate Somesh Chandra Soren chu Ghatsila bialah thlan tlin a ni a. Telangana a Jubilee Hills ah Congress candidate Naveen Yadav V thlan tlin a ni a. Rajasthan a Anta bialah Congress candidate Pramad Jain Bhaya thlan tlin niin Punjaba ah AAP Harmeet Singh Sandhu chuan Taran Taran ah thlan tlin a ni bawk a ni.

<><><>

UNION HOME MINISTER

Vawiin hi Janjatiya Gaurav Divas National Tribal Day a ni a. Prime Minister Narendra Modia chuan he ni hi Gujarat-a Dediapada ah a hman pui dawn a. He hunah hian ram zalenna sual tu ropui leh tribal leader Bhagwan Birsa Munda piancham vawi 150 na lawm a ni dawn a. he hunah vek hian Prime Minister Modia hian hmasawinna hna cheng vaibelchhe 9700 hu a hawng dawn a ni.

<><><>